

Allannguutissatut siunnersuut

uunga

Siunnersuut uunga: Utoqqalinersiaqarneq pillugu Inatsisartut inatsisaat nr. xx,xx

Aappassaaneerneqarneranut Naalakkersuisut saqqummiussaas.

§ 5-imut

1. Imm. 2 ima allanneqassaaq:

Imm. 2. Utoqqalinersiallit aappaqartut utoqqalinersianut tapeqassapput utoqqalinersialimmut kisimiittumut tunniunneqartunut annertussuseqartumik, utoqqalinersialik aapparisaatalu isertitaat maanna atuuttut utoqqalinersiat saniatigut ukiumut katillugit kr. 200.000-t ataallugit isertitaqarpata. Utoqqalinersianut tapeq utoqqalinersiallip aappaatalu isertitaanit toqqam-mavigineqartunit 53 pct-imik appartinneqassaaq kr. 83.000-inik ilanngaaserlugit.

§ 9-mut

2. § 9 ima allanneqassaaq:

§ 9. Toqqammaviusumik aningaasartat ukiumut kr. 59.900-t angullugit annertussuseqarput.

Imm. 2. Toqqammaviusumik aningaasartat ilanngaateqassapput, utoqqalinersiaqartup ukiumut isertitai maanna atuuttut, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, kr. 221.111 qaangerneqarsimappata.

Imm. 3. Isertitanit toqqammavigineqartunit utoqqalinersiat toqqammaviusumik aningaasartat 50 pct.-imik annikillisinneqassapput, tak. imm. 2, kr. 221.111-inik ilanngaaserlugit.

§ 10-mut

3. § 10 ima allanneqassaaq:

§ 10. Utoqqalinersianut tapeq kisimiittumut ukiumut kr. 74.300 angullugu annertussuseqarpoq, utoqqalinersiaqartumut aappaqartumut kr. 41.300 angullugu annertussuseqarpoq, tak. § 5.

Imm. 2. Toqqammaviusumik tapeq ilanngunnagu, aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat naapertorlugu siusinaartumik pensionisiallit utoqqalinersiallillu ilanngunnagit, utoqqalinersianut tapeq ilanngaateqassaaq utoqqalinersiaqartup aappaqarpallu ukiumut isertitai maanna atuuttut katillugit ukunanga qaangiisimappata:

1) Utoqqalinersiaqartumut kisimiittumut kr. 56.000. □

2) Utoqqalinersiaqartumut aappaqartumut kr. 83.000, tak. § 5.

Imm. 3. Utoqqalinersianut tapeq ilanngaateqassaaq isertitat tunngavigineqartut 45 pct.-iannik, tak. imm. 2, kisimiittumut ilanngaatigalugit kr. 56.000 aamma isertitat tunngavigineqartut 30 pct.-iannik utoqqalinersialimmuut aappaqartumut ilanngaatigalugit kr. 83.000, tak. § 5.

§ 16-imut

4. § 16 ima allanneqassaaq:

§ 16. Innarluuteqarnermut aamma peqqiilliuuteqarnermut tapit aningaasartuutitut mak-kununga tunngatillugit tunniunneqarsinnaapput:□

1) Utoqqalinersiallit eqqarsartaatsimikkut timimikkulluunniit annertuumik innarluuteqarneq pissutigalugu immikkut ikiorserneqarnissamik pisariaqartitsisunut ikiorsiissutitut, Anner-tuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersumi pisinnaatitaaffiit naapertorlugit.

2) Peqqissutsikkut pisariaqartitat malitsigisaanik annertuumik aningaasartuuteqarnermi, isa-russanik pissarsiniarneq ilanngullugu.

Imm. 2. Utoqqalinersiaqartumut Kalaallit Nunaata avataani aalajangersimasumik najugalimmuut innarluuteqarnermut aamma peqqiilliuuteqarnermut tapit tunniunneqassanngil-lat.

Inatsisissatut siunnersuummut oqaaseqaatit

Siunnersuummut oqaaseqaatit nalinginnaasut

Utoqqalinersiat pillugit inatsisartut inatsisissaattut siunnersuut siullermeerneqarpoq 8. oktober 2015. Tamatuma kingorna ataasiakkaanik ersarissanissaq pisariaqartinneqartoq erserpoq.

Isertitat maanna atuuttut

Inatsisissatut siunnersuummi oqariaaseq ”isertitat maanna atuuttut” atorneqarpoq. Oqariaaseq siornatigut atorneqartumut ”isertitat akileraarutaasussat”-nut taarsiullugu atorneqartussat paasineqassaaq. Isertitanut tunngatillugu oqariaatsip inatsisitigut allanngortinneratigut innuttaasup qinnuteqaateqarnerata nalaani isertitaqarneranik tunngasunik naatsorsuisarneq naleqqunnerusooq atorneqalissasoq naatsorsuutigineqapoq.

Akileraarutaasussatut isertitat pillugit paasissutissat ullumikkut ikiorsiissutigineqartartut naatsorsorneqarnerinut tunngaviusartut ukiut marluk angullugit nutaangissuseqartarsinnaaneri taamaalillunilu innuttaasup isertitaanut maanna atuuttunut tunngassutilinnut ersiutaajunnaartarneri pissutigalugu allannguutip tunngaveqarnera isiginiartariaqarpoq.

Isumaginnittoqarnermi politikkeqarnermi tunngaviusumik periusaavoq isumaginninnikkut ikiorsiissutit qanoq ajorsaateqartoqarnera aallaavigalugu innuttaasullu qinnuteqaateqarnerata ikiorsiissutillu tunniunneqarnerisa nalaani isertitaqarnikkut pissutsit tunngavigineqartassasut. Isumaginninnikkut ikiorsiissutit sanngiinnerpaanut aningaasaqarnikkullu ajornerpaamik inissisimasunut pingaarnepaamik tunngatinneqassapput.

Isumaginninnikkut ikiorsiissutit annertussusaasa naatsorsorneqarnerini innuttaasup isertitai maanna atuuttut paasissutissat tunngavigineqarneratigut innuttaasumut isumaginninnikkut ikiorsiissutit aningaasartaasa annertussusaat eqqornerusut tunniunneqartarnissaat qulakkeerneqassaaq. Isertitat maanna atuuttut pillugit paasissutissat nutaarluinnaat Skat/Sulinal atorlugu ullumikkut paasiniarneqarsinnaapput, taamaalillunilu isumaginninnikkut ikiorsiissutit tunniunneqartartut siunissami innuttaasup isertitai maanna atuuttut il.il. naapertornerullugit tunngaveqalissallutik.

Isertitat maanna atuuttut tassaapput isertitat A-t aamma B-t qaammatini kingullerni 12-ni ilanngaatissaq ilanngaatigereerlugu. Isertitat maanna atuuttuni isertitat akileraarutaasusaanngitsut tamaasa ilanngunneqartussaangillat, DIS-imiit aamma GIS-imiit isertitat eqqaassanngikkaanni.

Aalajangersakkanut ataasiakkaanut oqaaseqaatit

Nr. 1-imut

Imm. 2-mut

Siunnersuutaavoq utoqqalinersiallit aappaqartut, tak. imm. 1, utoqqalinersiallip aapparisaatalu ukiumut isertitaat maanna atuuttut kr. 200.000 qaangersimangippatigit, utoqqalinersiaqartoq kisimiittutut isigineqassasoq. Tamanna pissaaq utoqqalinersiaqartoq kisimiittutut utoqqalinersianut tapinik pisarneratigit.

Utoqqalinersiaqartup aapparisaatalu isertitaasa toqqammavigineqartunit utoqqalinersianut tapeq 53 pct.-imik ilanngarneqassaaq, kr. 83.000-inik ilanngaaserlugit.

Taakku kr. 200.000-it naatsorsornerini pineqarput utoqqalinersiat aningaasartaasa saniatigit isertitat.

Isertitat maanna atuuttut tassaapput isertitat A-t aamma B-t qaammatini kingullerni 12-ni ilanngaatisaaq ilanngaatigereerlugu. Isertitat maanna atuuttuni isertitat akileraarutaasusaanngitsut tamaasa ilanngunneqartussaannngillat, DIS-imiit aamma GIS-imiit isertitat eqqaassanngikkaanni.

Nr. 2-mut

Imm. 1-imut

Aalajangersakkap aalajangersarpaa, toqqammaviusumik aningaasartat 59.900 kr. angullugit annertussuseqartut.

Imm. 2-mut

Aalajangersakkap aalajangersarpaa, toqqammaviusumik aningaasartat ilanngarneqassasut, utoqqalinersiaqartup ukiumut katillugit isertitai maanna atuuttut 221.111 kr. qaangersimapatigit.

Toqqammaviusumik aningaasartat ilanngarneqarnerini utoqqalinersiallip nammineerluni isertitai taamaallaat tunngavigineqassapput. Aappaqartoqartillugu aapparisaat isertitai pissutigalugit toqqammaviusumik aningaasartat ilanngarneqassanngillat.

Taassuma saniatigit aalajangersakkami allanneqarpoq utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilaatinneqassanngitsut.

Imm. 3-mut

Aalajangersakkap aalajangersarpaa, imm. 2 naapertorlugu toqqammaviusumik aningaasartat isertitanit toqqammavigineqartunit 50 pct.-imik ilanngarneqassasut kr. 221.111-inik ilanngaaserlugit.

Nr. 3-mut

Aalajangersakkap utoqqalinersianut tapeq aalajangersaavigivaa. Utoqqalinersianut tapeq toqqammaviusumik aningaasartat akerliannik isertitarineqartunut apeqqutaatinneqassaaq aamma aappaqartoqartillugu aapparisaq isertitaanut sanilliullugit.

Imm. 1-imut

Aalajangersakkap aalajangersarpaa, utoqqalinersianut tapeq inatsisip atuutilerfiani ukiumut 74.300 kr. angullugit kisimiittunut annertussuseqartoq utoqqalinersiaqartunullu aappaqartunut 41.300 kr.-ulluni. Aappaqarnermi pineqarput inuit § 5-imi ilaatinneqartut.

Imm. 2-mut

Aalajangersakkap aalajangersarpaa, utoqqalinersianut tapeq imm. 1 naapertorlugu ilanngarneqassasoq utoqqalinersiallip aappaqarpallu aapparisaq katillugit isertitaat maanna atuuttut kisimiittumut kr. 56.000-it qaangerpatigit, utoqqalinersiaqartunullu aappaqartunut kr. 83.000-it qaangerpatigit. Taamaattoq Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu siusinaartumik pensionisiat utoqqalinersiallu ilanngunnagit.

Imm. 3-mut

Aalajangersakkap aalajangersarpaa, utoqqalinersianut tapeq isertitat toqqammavigineqartunit 45 pct.-imik ilanngarneqassasoq kisimiittunut kr. 56.000-it ilanngaatalugit. Taassuma sanitigit aalajangersakkami aalajangersarneqarpoq utoqqalinersianut tapeq isertitanit toqqammavigineqartunit 30 pct.-imik ilanngarneqassasoq kr. 83.000-inik utoqqalinersialinnut § 5 naapertorlugu aappaqartunut.

Nr. 4-mut

Imm. 1-imut

Aalajangersakkami naqissuserneqarpoq innarluuteqarnermut tapinik utoqqalinersialinnut annertuumik innarluuteqartunut tunniussisoqarsinnaasoq Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersumi pisinnaati-taaffiit naapertorlugit. Innarluuteqarnermut tapeqartitsineq ima paasineqassaaq ingerlatsivik inatsisitigut utoqqalinersiallit annertuumik innarluuteqartut inunnut allanut annertuumik innarluuteqartunut naligiissitsisinnaanissaminut piginnaassuseqalissammat. Innarluuteqarnermut tapeq tunniunneqassaaq naligiisitsinermut tunngaviusut naapertorlugit taamaattumillu aamma aalajangersakkat atorneqartut assingi atorlugit aammalu innarluuteqartut pillugit inatsisit sukkulluunniit atuuttuni inuunnut innarluuteqartunut assinganik pisinnaatitaaffeqartunut, kisiannili utoqqalinersiaqartuunngitsunut.

Imm. 2-mut

Piumasaqaataavoq peqqiilliuuteqarnermut aamma innarluuteqarnermut tapinik tunineqassa-gaanni utoqqalinersiaqartoq Nunatsinni aalajangersimasumik najugaqartuunissaa. Inunnut Isumaginninnikkut isumannaallisaaneq pillugu Nunat Avannarliit isumaqatigiissutaanni aala-jangersakkani peqqiilliuuteqarnermut aamma innarluuteqarnermut tapit ilaanngillat.